

九青圖詠

西湖張綱孫

青青短髮覆眉峰  
白紵新衫宛媚容  
玉笛罷吹支頰想  
情深不語憶元龍

鑑湖張梧

玉山竟日倚蒹葭  
何用東風鬪麗華  
青眼不須愁看殺  
焚香靜對碧窗紗

瀨水羅簡

葉本注有和鵲隱韻注本同

元龍何幸結蒹葭  
童豎青衣寓麗華  
莫怪君王勤割袖  
漫同羅苧浣春紗

東京大學  
東洋文化研究所所藏  
漢籍善本全文影像資料庫

書名 九青圖詠一卷 排印本  
撰者 □ 闕名 輯  
卷 冊一  
內容分類 集-總集-題詠  
索書號 雙紅堂-戲曲-340  
編號 D7962200

[彩色首頁1](#)

[東洋文化研究所漢籍目錄 編號: D7962200](#)

[東洋文化研究所漢籍目錄所藏漢籍善本全文影像資料庫 索書號: 雙紅堂-戲曲-340](#)

[漢籍善本全文影像資料庫文本九青圖詠一卷 排印本](#)

版權所有: [東京大學](#) [東洋文化研究所](#)

[使用上的注意事項](#)

0 1 2 3 4 5 6 7 8 9 10

双紅堂

戲曲

340

紫雲傳

本傳

徐郎名紫雲

徐事詩注

廣陵冒巢民家歌童

徐事詞

楊枝

善舞有秦簫者解作哀音每一發喉必緩其聲以激之

悲涼倉兄一座欷歔

陳珊得全堂夜譙後記

紫雲儂巧善歌與陽

羨陳其年狎

詞苑叢談

其年未遇時遊於雉臯巢民愛其才

延致梅花別墅適墅梅大開生偕紫雲徘徊於暗香疏

影間巢民遠望見之忽佯怒呼二健僕縛紫雲去生營

掄無策意極傍徨計唯得冒母片言方解此厄時已薄

暮乃趨赴母室前長跪門外備言紫雲事頃之青衣媪

出曰先生休矣巢民遵奉母命已不罪雲郎然必得先

生詠梅花句百首成於今夕仍送雲郎侍左右也生大喜攝衣而回篝鐙濡墨苦吟達曙百詠既就極書送巢民巢民讀之擊節鮪鈕論者以爲平原高誼杜牧癡情傳之本事詩中應作千秋佳話也詩注其年密畫紫雲小象遍求題詠成卷太冒襄史詩注陳紫雲配婦合卷有期矣贖鮪其年賦賀新郎贈之詞苑叢談其後紫雲從迦陵歸冒勿問也蔣景祁雲已覩物輒悲若不自勝者蔣永修陳檢討生迦陵先

九青圖詠

西湖張綱孫

青青短髮覆眉峰白紵新衫宛媚容玉笛罷吹支頰想情深不語憶元龍

鑑湖張梧

玉山竟日倚蒹葭何用東風鬪麗華青眼不須愁看殺焚香靜對碧窗紗

瀨水羅簡

葉本注有和鳩隱韻注本同

元龍何幸結蒹葭童豎青衣寓麗華莫怪君王勤割袖漫同蘿苾浣春紗

九青圖詠

蘭亭姜廷梧葉本此作列羅簡前注本同

素手纖纖倚玉腮  
洞簫吹罷坐蒼苔  
聽歌知是嬌鶯轉  
次第春風花下來

曹亮武葉本曹字上有涓公字

石上支頤停玉笛  
斷魂何處不隨君  
人間多少相思苦  
只許丹青繪紫雲

有雲園丁確注本此作列曹亮武前

畫不將來荳蔻心  
春風芍藥費沈吟  
誰知身是愁雲影  
千里隨人共淺深

茶邨杜濬

蠻腰素口不如它  
曾笑吳姬子夜歌  
一片行雲隨馬去

勝伊飛夢渡黃河北時其上其年

維岳注本此作亦列杜濬前

簫歇歌停斂翠眉  
冒家園子夜深時  
分明一幅相思影  
寫向人間邨得知

穎上阿誠

分明畫裏憶成癡  
無那禪心泥絮疑  
苔上鳳膺間不理  
鶯啼芍藥正開時

京口談長益

未聽歌兒唱小辭  
畫中人影果如斯  
無端雪後留鴻爪

却說東臯子夜時

松陵吳兆寬

葉本此作列穎上阿馘前汪本同

挑燈愛讀九青歌宛轉歌聲動綺羅展卷春風初識面  
迢迢奈隔楚雲多

倚石沈吟有所思紫髯何處若為遲鄂君繡被多情物  
惆悵聲殘玉笛時

孫枝蔚

葉本此及范宗作均列杜濬前汪本同

欲問依依柳逢誰伴彩毫蒼苔如有待玉笛更無勞蝴  
蝶身須化元龍臥最高短襟和小鬢羞殺鄭櫻桃

范雲威

葉本范字上有龍仙字又注有題九青圖為其年年兄索笑汪本同無龍仙字

玉管乍停聲凝眸花枝亞還向畫圖中憶得當筵夜

短髮學鳴蟬紅潮半凝赭持將調笑心付與丹鉛寫

家寄海陵曲陳生去住頻不須潮水信形影日隨君

千載說樊川落託江湖路展卷向髯郎紫雲名不誤

廣陵宗元鼎

葉本注有乙巳新秋題於城東水閣

清風明月意徬徨玉笛閒拋倦引涼世上憐才惟汝輩

畫圖猶自想陳郎

一曲新歌水續間冒家阿紫似雙鬢因君愛客思千古

錦瑟能令侍義山

一山字據葉本補紫似字據本事詩注補因君愛客思千古本

因思昔日彭陽事注本  
本作阿九秀雙鬢

水繪庵 襄

夜遣青童伴讀書老夫愛客勝璠璣六年別去心如海  
畫裏逢人應問余

陳生奇文亂典墳陳生癡情癡若雲世間知己無如我  
不遣雲郎竟與君

末句包舉數意

其年應為解頤

葉本注有與其年諸君觀劇各

冰絲新颺藕羅裳一曲開筵快舉觴曾唱陽關灑西淚  
并州東返當還鄉

最無消息是清音竹肉喧時未易尋唱到情來生意思  
一絲裊裊紫雲心

豪酣醉夢豈聞聲娛悅雖知亦楚儉沃鳳生花春漠漠  
性情融液是歌情

二十年來何所事稱詩握管意茫然最是泥人惟顧曲  
細於筆墨倩誰傳

婁上顧靖

汪本此及唐吳梅作均列水繪庵裏前

廣陵尤物號寧馨別樣風情寄笛聲却笑子昂馳雜日  
攜文百軸間丹青

握椒老人唐允甲

盈盈秋水翦雙瞳對值嬌娘影未工漫道遏雲歌冷落  
分明幽咽畫圖中

對汪本作籌



一曲千金妙入情何戡腸斷渭陽城要知馬上啼殘月  
猶帶蕭蕭水繪聲

時其年  
將北征

宛上吳錢

花底秦宮畫裏身意態猶疑寫未真千年莫恨毛延壽  
若使真時妬殺人

柏規山人梅庚

不信陳郎已二毛鍾情猶在鄭櫻桃生綃小卷長三丈  
乞遍詞人未覺勞  
何須見面始情癡省識春風是此時莫遣漢家公主見  
屏風夜擁賣珠兒

占斷人間第一春傾城不屬女兒身陳思若解披圖畫  
定悔從前賦洛神

來便春深去便秋半生魂夢滯揚州

卽用其  
年語

須知不獨

如花女能使香閨怨白頭

姑山沈泌

憶在何方瞥見伊明月紅柏倍相思若非周昉濡毫日  
遮莫陳思綴賦時

元來畫也笑看差挾彈風流未足誇堪愛雲郎情似海

贈殘芍藥廣陵花

愛注本作笑

無言凝睇總情癡心事茫茫當告誰除却陳郎應少解

等閒不許衆人知

昔日秦青今九青印脂傅粉比娉婷簫停想像餘音裊  
石上精魂舊有靈

冒家才藻擅江東小部風流亦不同如何不乞陳郎去  
枉費詞人諷詠工

蕭郎有僕解憐才聞汝多情亦異哉何計教卿出深院  
茅山道士乞丸來

遏雲妙響同陳妓擲笛新聲類李謩休唱尊前河滿子  
恐濺清泪濕羅襦

半臂輕綃巧稱身似遺薊澤似含顰縣知此日煩休伯

錯認當年許永新

十里芙蓉罨畫溪銀箏畫舫日相隨五湖煙水還無際  
莫學鷓夷任所之

還注本作遠

璧月瑤枝琢句精南朝子弟最深情倘然卻扇一相顧  
曾否蛾眉便爾傾

青溪僕射傷浮豔江都天子也多情繁華社稷皆如夢  
留得人間作達名

陳郎才氣縱橫甚此癖難醫費解嘲惣是才人無不可  
儘拚十幅寫生綃

硤石超

年少難忘割袖歡相思猶作畫圖看吳綾半幅千行淚  
翻使詩人不忍觀

間情好客性虛靈常伴揚州夢裏形不謂烟雲迷水國  
九疑何處覓青青

築巖沈壽國

不必雌飛入紫宮漢家金穴已難空攜來枕畔時珍重  
薊北青齊在夢中

蘆中孫支芬

始信人間別有春如花却是芄蘭人纔吹湘管驚梅放  
又過行雲落雁塵雁汪本作燕

白哲非關傅紛華風流偏稱白羊車蚤知豔色輸宮使  
何事尋春去若耶

張圯授

記得清歌入妙時輕抽蘭氣一絲絲如何擅落丹青手  
忍使張郎不畫眉

婁東毛師柱

葉本注有名家題九青畫卷索句漫題  
兄出諸名題九青畫卷索句漫題  
此絕以博一粲汪本

露花風柳玉爲神彷彿櫻桃夢裡身百尺溪藤題已遍  
天涯多少繫情人

元龍十載臥蓬蒿湖海飄零氣更豪豈是鍾情在圖畫

直將此卷續離騷

雒城賁琮

也非愁怨也非癡各自關情匪所思畫裡分明人不管  
道來惟有兩心知

轅里王士祿

葉本注有首作第三句  
杜本收之語注本同

間游公子風流甚璧月瓊枝興不闌聞有紫雲者誰是  
今朝先借畫圖看  
夢殘酒醒苦相思祇向丹青想見之別日當筵難一索  
訝君狂減杜分司  
敝席相憐一片心玉簫別去響沈沈不須別倩繁休伯

紙上殷勤寫妙音

本事詩注別情作重情

三生石上與傳神描得如皐一笑真慎莫為髯蕉萃絕  
卻教不似卷中人

杭南陸圻

注本此作列王士祿前

聞道前魚泣此身龍陽不減洛川神畫圖有貌能傾國  
下令何須禁美人

初日芙蓉百媚郎卷衣蒙贈有秦王那知百尺高樓臥  
夜夜憐卿共大牀

廣陵華袞

雒皋有客解風流孤館聽簫慰旅愁翻笑揚州傳杜牧

空留薄倖在青樓

王孫湖海慣飄零何福相逢掩畫屏自是風塵能物色

九青莫認作秦青

日暖鶯啼恨落紅靈犀一點暗相通風流情性原難寫

莫為金錢屈畫工

慚予縱有心如鐵但是聞歌喚奈何莫怨矍星易分散

支機石畔是銀河

雲間吳旦

葉本此及何作列廣陵  
華衰前注本此列華前

畫裏雙瞳翦素秋當年簫史若為儔分明一片巫山月

飛入元龍百尺樓



難將飛燕比輕盈別有神情畫未成吹罷笛中楊柳曲  
斷腸人已在無聲

京口何掣

葉本注有其年盟兄命題  
九青小影并正注本同

名士風流四海傳花間嘗伴紫雲眠元龍尙自多情種

莫笑當年幸董賢

當初何不畫吹簫吹斷征人去路遙無那淒涼明月夜

還愁開卷又魂消

萊陽宋琬

汪本宋字上有同學弟三字

擎箱滌研鎖相隨婉轉君前舞拓枝催促陳思填樂府  
曾將紅豆譜烏絲

研汪本作岸誤

蛾眉參意寫難工試比崔徽約略同我代畫師添數筆  
玉簫吹罷倚梧桐

朱顏曼綠映吳綃猶恐丹青粉易銷他日休歌河滿子  
憶郎佳句念奴嬌

畫圖冉冉帶微顰祇為蕭郎被放新賦奏長門應有日  
天寒繡被擁何人時其年下第

瀟 葉本瀟字上有師字注本注有  
泛舟紅橋為其兒題九青炤

也占巫山第一峰停簫孤坐恨無窮可憐如綫天涯泪  
偷灑花前簇簇紅

罷浴支頤耐晚涼生綃半臂送熏香紅橋是我銷魂地

愁絕披圖對玉郎

貝工畢際有

停歌子夜罷吹簫纖手支頤素髮飄獨坐不知何所憶  
端詳雙頰暈紅潮

漁洋山人王士禛葉本注有為其年先生博笑注  
本詞苑荒談本詩注并引

黃金屈膝玉交盃一首今按漁洋山  
人集題作楊枝紫雲曲非題圖作也

鉢池秋水碧粼粼憶聽當筵一闋新鬢影衣香都省記  
不應喚作卷中人

斗帳新寒歇舊薰人間何路識香雲江南紅豆相思苦  
歲歲花前一憶君葉本注有前一首同床各夢此首乃  
能道其年意中事耳如何如何注本

同何字下尚有  
又筆三字

武陵龔賢

詩家韻脚憎肥俗警瘦偏宜押九青既見芳容聞小字  
是兒端可想精靈  
不是異才難好色定知殊色解憐才花前月底勾魂去  
楮末毫端圖影來

天都孫默

鳳簫吹罷忽相思幾度臨風倚曲時不是雙趺間露出  
飛瓊爭道下瑤池

乳山八十五叟林古度

注本道有甲辰初夏為  
其老道兄題九青小炤



青佳編韻皆在九君喚九青名可聽信是韻人名亦韻  
丹青錯畫作秦青

玉璣

葉本玉字上有弟字注有為  
犬兄題於邦溝逆旅注本同

曾為徐郎作贈詩幽香綺語動人思知君久縮同心結  
不料人間有別離

憶脫春衫花下眠新聲唱出李延年只今展卷人猶在  
何處相看不可憐

詞苑麓談引新聲唱出作  
新聲愛殺本事詩注同

婁水崔華

注本注有為其老年翁題九青小炤

開縑無處不銷魂知是桃花灑面盆畫裏惱人爭欲絕  
况君曾與共黃昏

嬌郎豔女鬥香塵總在含顰色態新手抵粉腮如有憶  
知君真是意中人

天都方一煌

葉本注有聞其年與九青不可以離也

其年情何以堪耶爲賦二絕胎之注本同惟此作列玉璫前

垂垂短髮覆雙眉如霧輕綃薄掩肌不恨仙魂呼不下  
恨儂嬌態向人癡

行笈蕭蕭一軸同猶疑吹笛月明中知君頻向花前展  
偏有芙蓉相並紅

虎耳山人黃生

青翰舟中繡被閑碧桃花下玉簫闌人間何事偏憎妬

小史於今鬪小蠻

楚人吳嘉紀

新妝羞與莫愁同默坐支頤對晚風一片癡魂託磐石  
隨他到處作飄蓬

長洲王天階

注本有以韻爲其兄題九青圖於露香園

坐看清水石粼粼玉管遲迴一曲新我向當筵曾識得  
可知卽是卷中人

忍別紅窗舊夕薰一生幽夢帶江雲風流耐得相思苦

尺幘冰綃恐誤君

葉本注右二首用王阮亭韻注本同

水繪燈寒人盡散枕烟月動酒初闌無情筆墨難圖畫



展與雲郎仔細看

非關容易起相思  
午夜燈窗想見之  
最是心情妒紅粉  
花能傳檄月能司

掩抑歌聲漾苦心  
腕凝紗薄坐沈沈  
懸知異地深憐惜  
一半多情爲賞音

只看描寫倍精神  
笑亦居然羞也真  
莫怪揚州夢難覺  
紫雲畫裡又逢人

葉本注右四首和西樵韻注本同

小史真堪作較書  
雲郎麗質勝璠璣  
相逢敢說清狂興  
贏得題詩也屬余

遣伴陳生讀典墳  
鉢池靜對幾層雲  
主人愛客真知己

百尺高樓只臥君

葉本注右二首和巢民韻注本同

悔庵侗

注本注有戲爲其兄贈紫雲口占二絕句

鹵園公子綺筵開  
璧月瓊花款款來  
小部音聲誰第一

玉簫先奏紫雲迴

欸欸注本作夜夜

陽羨書生驚坐時  
誦君佳句紫雲知  
何當乞汝紅牙板  
唱取髯公赤壁詞

廣平宋實穎

芍藥比容花比貌

起錢

翠烟如鈿柳如環

崔

書中不盡心

中事

裴說

却憶漳溪舊往還

張籍

雉皋馬世喬

石上沈吟意自真  
綠錢數遍倍傷神  
龍游河畔離人淚  
招得陳思畫槩頻

華堂絲管日紛紛  
愛殺清謳響入雲  
今日披圖見豔影  
風流却妬石榴裙

汪本此首列石上沈吟前見作驚

曹繡

一曲曾令鉢自吟  
高雲不動水沈沈  
誰將柔翰施丹粉  
只畫雙鬟不畫心

行將匹馬別朱門  
白石蒼苔寫淚痕  
橫笛不教頻在手  
恐吹楊柳斷離魂

射雉許嗣隆

何處買絲繡此君  
漫將丹粉畫中分  
朝朝得展生綃看  
不似襄王夢裏雲

羅衣綽約出全身  
一曲驪歌總愴神  
纖手只將河路計  
玉簫金管爲誰人

伴君馬上向長安  
影縱隨君形亦單  
月落花明人不管  
惱他烟霧有雙鸞

雖是登山異望夫  
相思兩地幾曾孤  
重來開卷閒臨鏡  
看取雙鬟入畫無

顧焯

無那情深畏別離  
柔腸空繫綠楊絲  
生綃喜見春風面

千里征人慰所思

冒丹書

情死情生不自知  
偶然情到繫儂思  
欲知悵悵無端處  
試看輕雲一縷絲

愍庵劉愈炤

捧心絕似越西施  
却怪鴟夷輕別離  
夢裏尋梅腸尙斷  
那堪折柳淚絲絲  
顰眉歛豔衆爭窺  
一段情癡畫未施  
莫道片雲能博笑  
天南地北共相思

醉花主人儲福益

無限儂心無奈身  
圖將清影伴征人  
思儂無奈看儂影  
猶比虛空夢較真  
展卷思卿怕未真  
丹青那得似腰身  
只今潦倒無如我  
愁殺陳思賦裡人

維崱注本注有爲其年兄題紫雲畫卷

客舍清清罷夕薰  
陽關一闋袂初分  
休言別後相逢少  
畫裏依稀見紫雲

回首雒城讀書處  
鉢池池上記分明  
寫來一幅如雲帙  
留作人間縹緲情

婁水黃遷注本注有遙題九青小影二絕句

新浴携簫坐夜闌恍如神女弄珠寒西園公子親聯榻  
又愛圖中仔細看  
買得丹青筆幾牀逢人便贈到維揚乞臨一幅歸遺我  
日對蘭心竟室香

婁水王攄

貌比蓮花玉作腮前身原是紫雲來今朝畫裏分明見  
一夕揚州夢幾迴  
群玉山頭一認君幾時淪謫到人羣若非周昉圖中見  
那得人間識紫雲  
不是多情畫不成畫時容易畫傾城花前試展生綃看

不枉陳郎一段情

婁東王曾斌

素面雙鬢似玉人紅牙一曲串珠勻少年情事原難解  
暗鎖春山亦自顰

竟體芳蘭玉有香攜來短笛坐池塘鴛鴦若解憐春色  
笑把蓮花竝六郎

眼角眉痕一樣愁將誰形影畫圖收金屏偷得新腔滿  
紅豆拋殘恨未休

多情每作有情顛一幅春綃寫玉仙莫道陳郎心似鐵  
縱教憐殺也無緣

婁東王吉武

徐家小青最清發翠眉一寸裁新月閒將玉笛弄  
梨花相映春蠶白如雪碧池新浴鴛鴦醒露濕芙蓉粉痕冷  
游魚吹沫亦多情似啖波中玉人影陳郎情豪更客路  
寫得櫻桃詩不誤只合相從客夢中儘教看殺無人妬  
涓城休唱笛休吹黯黯春愁欲別時客夢不勞頻悵遠  
畫圖形影日相隨

婁水朱讜

紫雲聲調絕當時腸斷東風杜牧之不道後身非是女

鍾情卻又遇陳思

一種風光何處描石家慣寵鄭櫻桃丹青寫出情波媚  
消得吳綾百束高

蒼苔淨滑自無塵有客來過擁紫雲只此已堪歌玉樹  
何須馬上石榴裙

傳聞已自情難定邂逅何容不識卿二月梅花春正好  
傍誰飛夢到江城

婁東曹延懿

一曲伊涼動客愁當筵爭費錦纏頭元龍豪氣推湖海  
却爲鍾情賦倦游

標格人間第一流無端那許按圖求好傾洗鉢池頭水  
洗盡陳郎萬斛愁  
單衣初試早涼天玉笛閒拋坐石邊無限情癡難說向  
枉教題徧碧雲箋

婁水郁燁

旅程風物不勝秋攜得生綃伴客愁從此笛聲休怨別  
揚州夢醒是青州  
湖海陳生氣不群冒家筵上酒初熏秦簫歌罷楊枝舞  
何事關情獨紫雲

婁水郁植

司空席上罷傳觴玉笛閒拋倚石床莫怪當年狂杜牧  
紫雲從解斷人腸

畫中人記掌中時錯認紅兒與雪兒不信鍾情惟我輩  
元龍豪客最相思

吳陵陸昌齡

注本注有乙巳夏日為其年先生題  
九青小照并政陸字上有晚學二字

沈吟石畔領春風短髮絲絲臉暈紅漫道阿郎甘寂寞  
癡情恰在不言中

胡從中

注本注有步阮亭公韻奉  
其年二兄命為九青兄

石閣芝芳閉麝薰藥欄苔徑駐華雲牡丹亭後桃花曲  
但說相思便是君

婁水葉虞封

注本注有其年先生命題

顏色知君意有歸青燈黃卷鳳雙飛綠珠紅綫雖千古  
不及楊家一紫衣

往來曾不帶塵鬪夢隔荆襄欲閉關淡月娟娟風細細  
片雲應出自巫山

紅袖輕翻束錦纜娉婷頻學美人妝歌殘肯念天涯客  
何獨關情是女郎

河干分手恨難禁閒煞孤舟冷繡衾不是仙郎來入夢  
想君還入畫中尋

影似芙蓉氣似蘭相思曾不去眉端憐卿獨坐三生石

開卷猶能一笑看

陳郎才調絕當時自古才人半是癡畫卽是詩詩卽畫  
我來不敢更題詩

古董錢肅圖

相思一縷化輕雲處處飛來長伴君那有閒情吹玉笛  
更教折柳曲中聞

西泠蔣連

把卷不知何處香三生石上阿儂傍吹簫可憶當明月  
欲學秦樓引鳳皇

歌裏新聲解也無祇應愁坐碧苔孤若非妙手圖芳影

誰信人間有子都

白岳吳鶚

輕盈如柳一枝枝  
腸斷低頭無語時  
盡日晴窗看不厭  
問它若箇是情癡

荔城余懷

葉本注有題於二十四橋之客舍  
同下尚有其老道長兄將客金臺索題

九青小影  
書此應教

花底秦宮弄玉簫  
櫻桃紅暈影迢迢  
天生俊骨橫秋水  
拚取腰肢鬪小喬

嬌嬌疑是女兒身  
腸斷龜年曲裏春  
我亦銷魂誰作伴  
傷情惟有畫中人

蒼崖石泚

指點輕容繡峽君  
嬌癡無那曲中聞  
江鄉風易催人去  
半是銷魂半憶君

杜牧尊前事已陳  
空餘素繭見微顰  
憑伊結伴盧龍北  
絕勝巫山夢裏人

東皋李僊原

蘭湯初浴絕纖塵  
斷臉微紅一幅春  
風格不勞施粉墨  
當筵原是畫圖人

急管清歌夜夜聞  
何須紙上認香雲  
一從妙手煩周昉  
涼月輕煙更不羣



婁東許旭

注本注有戲為其兄題

半面風流意態輕  
誤人只道是傾城  
參軍狂殺揚州夢  
馬上回頭聞笛聲

三年前憶到江都  
聞道雲郎絕世無  
今日丹青纔識面  
分明一幀洛川圖

石筍樵夫

葉本此列吳陵陸昌齡前注本同

得意似看名手畫  
難題却憶古人詩

其年先生命題不敢辭偶誦順郎舊

詠因書數字于後

楊岱

葉本此列婁水樵夫前注本列石筍樵夫前

一聲笛吹斷幾春消息  
燕子歸飛何太急  
無語煙中立

向來多少風華今日  
朱闌芳迹自是憶  
君君更憶回

首春衫濕

謁金門

鄮湖吳檠

九青圖者陽羨陳其年先生為徐郎所畫小炤也徐郎名紫雲為如臯冒辟疆哥兒先生負才落魄冒嘗館之幸舍居小三吾進聲伎以娛之紫雲僮巧明媚吹簫度曲分刊入神先生嬖之為畫其小影攜之出入遍索名人題句其後雲竟從先生歸雲亡先生覩物輒悲若不自勝者尤悔庵徐電發儲同人皆載其事風流放達彷彿

佛晉人之遺余讀其詩若詞未嘗不慨然想見其爲人先生後舉鴻博官檢討康熙壬戌卒於京師今且五十年矣忽有賈人子持此圖售諸市余購得之圖橫一尺五寸縱七寸雲郎可三寸許著水碧衫支頤坐石上右置洞簫一逋髮鬢鬢然臉際輕紅似新浴似薄醉星眸慵睇神情駘蕩若有所思洵尤物也畫者爲五瑯陳鵠題詠凡七十六人詩一百六十首而尤太史梅菴王攷功西樵司寇阮亭諸絕尤妙乃裝潢而藏之復爲詩一章書於卷末時雍正辛亥夏五

月也

陳髯風雅藹孤騫東京鉤黨之子孫運丁百六市朝換野雀荒寒翟尉門天教才大罹憂譴飄零湖海違鄉縣世上何人擁八騶陳平詎合長貧賤被酒顛狂一座驚南朝北里舊知名夜月李謩偷擪笛秋風謝尙笑彈箏如皋大夫愛結客後堂絲管羅君屐憐才獨詫髯絕倫留髯滅燭聞薌澤水繪園中洗鉢池小部樽前舞柘枝此際花開春冉冉此時月上夜遲遲濃蛾秀鬢諸郎麗中有吳兒尤絕世狂言不減杜司分凝睇紫雲宜見惠紫雲吹罷紫鸞簫臉波暈處生紅潮眉語目成伴刊曲

幾年雨暮與雲朝朝朝暮暮心相注烏絲題遍銷魂句  
其年有烏絲詞不信男歡不做軒願為共枕羅浮樹斷袖分桃  
 無事無纏頭一曲千明珠吳綃三尺尋周昉殺粉調鉛  
 畫子都畫就瓊枝羞粉黛名流題詠傾當代漫道鍾情  
 我輩癡可憐作達文人態一自髯公歸道山此畚沈埋  
 天地間何意忽落賈人手遂使畫裏生愁顏乞金倍舉  
 始購得重付裝池加錦飾想像風流前輩人把卷晴窗  
 三太息彩毫往往遭轍軻一飯千金意不磨伶兒崽子  
 關何事能多英雄熱淚多雲亡髯始霑微祿中宵悽舊  
 吹橫竹空留金枕泣陳思難尋瑤草歸徐福陽羨香詞

千載新雲郎雲郎爾傳人秀壓明眸神采活披圖我欲

喚真真葉本止此後有跋云向傳雲郎小景為五瑯事  
陳

乾隆乙卯五月月湖吳侍讀然先陵羅山人聘重摹副本  
中

以藏之原卷題塘友燦如日出觀是卷無人為重錄於尾庚午  
唐

長夏迨暑七月里塘友燦如日出觀是卷無人為重錄於尾庚午  
唐

陳鴻壽申九甫記重陽節止此有跋云乾隆二十九年  
年

題詠時年六十月有客太瘦生又附卷端有百稷山農序一  
三

金棕亭

日月轉雙丸春秋苦易邁人生百歲年須彌納一芥松  
 柏無凡姿秀宜恥萋稗世俗競耳聾趨炎不肯退一朝

風雲變括膚棄如疥當時不自覺衆議紛後代是此彼  
復嗤參商分向背所貴不朽人留名貫千載昔有陳髯  
叟書淫世無配嗜好殊酸鹹簡編手不廢高閣授館餐  
風雨自明晦食前方丈間羅列珠玉隊先生白眼瞠眎  
之若土塊侍立小僮清何足挂眼界賞識得其真不異  
捧球貝求之不可得攝衣甘下拜主人起相贈毋忘爍  
蘭佩重以席上珍縮目衣下帶聚散恐不常逝如水下  
瀨花簪官帽新瓶悼琉璃碎貧賤常相依貴顯反不逮  
空圖畫中人渺渺情無奈一從綺筵散同人動歌薤不  
復貯錦囊狼籍任摧壞誤入賈人手持向市中賣黃雲

變蒼狗見慣亦何怪有客酬之金重裝意無懈聊以追  
陳跡覩物緬佳會繾綣寄相思良時不可再嫵媚憶前  
流丰姿看水繪只今出生綃猶睠輕盈態撫卷三太息  
風流逐吾輩

此卷吳公得諸市中裝緝成卷持贈金棕亭教授棕  
亭轉以贈余賦五言古三百二十字今藏之篋中且  
十年矣不知後日誰復得此者願世世寶之可耳乾  
隆乙未客真州潘氏南園忍弁學究並識

李斗揚州畫舫錄金兆燕全椒人爲教授時於市購  
得小銅印刻櫻亭二字乃旣爲號且構櫻亭於署之

西偏又兆燕幼稱神童與張南華詹事齊名工詩詞  
君精元人散曲盧雅雨延主使署十年凡園亭集聯  
及大戲詞曲皆出其手

所圖書

